



Broj: 01,02,03,03/II-05-1-101/22

Sarajevo, 31. 3. 2022.

6

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 13-04-2022			
Organizaciona jedinica	Klasifikaciona oznaka	Redni broj	Broj priloga

KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

**IZVJEŠTAJ, Slovenija, Brdo kod Kranja, 28. i 29. mart 2022. godine**

Predsjedavajući Predstavničkog doma Parlamentarne skupštine Bosne i Hercegovine Denis Zvizdić učestvovao je na Konferenciji predsjednika parlamenata zemalja članica Evropske unije, koja je održana 28. i 29. marta na Brdu kod Kranja, Republika Slovenija.

Predsjednici parlamenata država članica Evropske unije (EU) i država iz najbližeg susjedstva EU, koje učestvuju u procesu proširenja, raspravljali su o dvije sesije o ulozi parlamenata u vanrednim situacijama i okolnostima, kao i o ulozi parlamenata u ubrzanju proširenja EU na region Zapadnog Balkana.

Tokom Konferencije g. Zvizdić razgovarao je s predsjednikom Republike Slovenije Borutom Pahorom i zahvalio se na pomoći koju je Slovenija uputila Bosni i Hercegovini za vrijeme pandemije koronavirusa.

Predsjedavajući Zvizdić upoznao je predsjednika Pahora s aktuelnom situacijom u BiH, o blokadi rada institucija, kao i o rušenju svih reformskih zakona koji su uslov za kredibilno članstvo u EU.

Razgovarali su i o agresiji na Ukrajinu i saglasili se da situacija u Ukrajini otvara potrebu za što bržim uključivanjem BiH u NATO i dobivanje kandidatskog statusa za članstvo u EU, što više ne treba biti tehnička, već politička odluka.

Zvizdić je rekao da BiH očekuje podršku Republike Slovenije u ispunjenju ova dva cilja i pozvao Sloveniju da pomogne u našim pozivima za povećanje trupa EUFOR-a u BiH. "Sadašnja brojka od 1.100 vojnika nije dovoljna, a jasno je da mir u BiH znači i stabilnost i sigurnost za cjelokupni region. Slovenija učestvuje sa svojim trupama u EUFOR-ovoj misiji ALTHEA i na tome smo vam jako zahvalni", rekao je tokom sastanka predsjedavajući Zvizdić.

Predsjedavajući Zvizdić i predsjednik Pahor izrazili su zadovoljstvo odličnim bilateralnim odnosima između dvije zemlje i saglasili se da EU treba obratiti posebnu pažnju na BiH i ubrzati put naše zemlje u EU kako bi se sačuvao mir i stabilnost.

Denis Zvizdić razgovarao je na marginama Konferencije predsjednika parlamenata zemalja Evropske unije na Brdu kod Kranja s predsjednikom Velike nacionalne skupštine Republike Turske Mustafom Şentopom i upoznao ga s aktuelnom situacijom u zemlji. Saglasili su se da su politički i ekonomski odnosi dvije zemlje dobri i da postoji prostor za unapređenje.

Predsjednik Şentop istaknuo je da su mir i stabilnost Bosne i Hercegovine jako važni za Tursku i da, osim snažne podrške suverenitetu, teritorijalnom integritetu i multietničnosti Bosne i Hercegovine, Turska pruža snažnu podršku BiH i na njenom putu evropskih i integracija u NATO. Zvizdić i Şentop razgovarali su i o izborima i saglasili se da se trebaju održati ove godine jer ne postoje zakonske prepreke.

Predsjedavajući Zvizdić i predsjednik Şentop ocijenili su da državni parlamenti BiH i Turske imaju dobru saradnju i da je treba unapređivati, te da treba raditi na jačanju ekonomskih veza. Predsjedavajući Zvizdić pozvao je predsjednika Şentopa da s delegacijom turskog parlamenta posjeti PSBiH.

Drugi dan Konferencije predsjedavajući Predstavničkog doma Parlamentarne skupštine BiH Denis Zvizdić sastao se na marginama Konferencije s predsjednikom Nacionalnog vijeća Republike Austrije Wolfgangom Sobotkom.


Razgovarali su o aktuelnoj političkoj situaciji u BiH i o blokadi rada državnih institucija. Predsjedavajući Zvizdić istaknuo je doprinos Austrije u podršci evropskim integracijama BiH, te podvukao značaj dobivanja kandidatskog statusa za BiH.

Rekao je da je Austrija važan faktor stabilnosti i sigurnosti, posebno uzimajući u obzir činjenicu da je poslala i najviše vojnika u sastavu EUFOR-ove misije ALTHEA.

Predsjedavajući Zvizdić istaknuo je važnost daljnjeg jačanja Misije EUFOR-a i povećanja broja vojnika koji bi bili raspoređeni na važnim tačkama unutar BiH, posebno u Brčko Distriktu BiH.

Predsjednik austrijskog Parlamenta Wolfgang Sobotka rekao je da će Austrija i u narednom periodu nastaviti pružati snažnu podršku procesu evropskih integracija Bosne i Hercegovine, kao i jačanju stabilnosti i unapređenju regionalne saradnje.


Predsjedavajući Predstavničkog doma Parlamentarne skupštine BiH Denis Zvizdić obratio se učesnicima Konferencije u okviru sesije "Evropska unija kao garant stabilnosti, sigurnosti i napretka regije (i izvan regije)".

Izveštaj odobrio  
Predsjedavajući Predstavničkog doma PSBiH  
  
Dr. Denis Zvizdić

Izveštaj pripremila

Dženana Leper

Stručna saradnica za bilateralne odnose  
Sektor za međunarodne odnose i protokol



Dostaviti:

- naslovu
- Sektoru za međunarodne odnose i protokol